



ახალგაზრდული მოქრობის წარმოადგენლებმა რთველში მიიღეს მონაწილეობა

იხილეთ მე-6 გვერდზე

ენცივით გაზეთი „პ.ს.“-ის განახლებულ საინფორმაციო ინტერნეტპორტალს www.psnews.ge-ს, ყოველდღიურად იკითხეთ ცხელ-ცხელი ამბები და იყავით ინფორმირებული!

წარსულის დაბრუნება



„პ.ს. ფოტო“ (თაა პალაპარიძე) ©

„დევენილთა და განსახლების მინისტრი სოზარ სუბარე, ხონსა და ქუთაისის 15 კომპაქტურ ჩასახლებას ესტუმრა. გვანტერესებს, რის მიხედვით შეარჩია ბატონმა სუბარმა ეს ჩასახლებები“

იხილეთ მე-5 გვერდზე

„ოცდაპეკრთა სუპუნევი სასლუი ისა გვანვიმს, როგორც გარათი“

იხილეთ მე-5 გვერდზე

ქუთაისი ზამთრის სეზონისათვის ხარჯების გაზრდას გეგმავს

იხილეთ მე-2 გვერდზე

„5000-ლარიანი პინიგანტების მიწოდებას დაუწყებულად გაკონტროლდება, ანუ სასელენიფოსგან მოხაუული ფულით ვერც სამოგზაუროდ წასვალთ და ვერც პანქანას იყიდით...“

იხილეთ მე-3 გვერდზე

შუადითუი პარტონელა დედებს სელოვნურ განაყოფიერებას სასელენიფო დაუფინანსებს

იხილეთ მე-7 გვერდზე

როგორ აფასებენ ქუთაისში „ქართული ოცნების“ ორწლიან მმართველობას?

2012 წლის საპარლამენტო არჩევნებიდან ორი წელი გავიდა. ხელისუფლების მშვიდობიანად გადაბარების დადებით და უარყოფით შედეგებს აქტიურად განიხილავენ. საზოგადოება ხელისუფლების მიერ გატარებულ რეფორმებს აფასებს, ხელისუფლებამ ორი წლის განმავლობაში გატარებული ცვლილებები თვალსაჩინოებისთვის

ბროშურად გამოსცა. გაზეთმა „პ.ს.“-მა ხელისუფლების ორწლიანი მუშაობა საზოგადოების სხვადასხვა სფეროს წარმომადგენლებს, პოლიციისა და ოპოზიციის წარმომადგენლებს, ასევე რიგით მოქალაქეებს შეაფასებინა. გამოკითხულთა უმეტესობა მიიჩნევს, რომ „ოცნებამ“ იმედი ვერ გამართლა. სამართლიანობის აღ-

დგენა, დასაქმება, საარსებო მინიმუმის გაზრდა — ეს ის დაპირებებია, რომელთა მოგვარებაც გამოკითხულთა განცხადებით, ხელისუფლებამ ვერ შეძლო. **ლალი დეისაძე**, დიასახლისი: „პირველი დიდი იმედგაცრუება „ქართული ოცნებისგან“ მაშინ ვიგრძენი, როცა მილიონობით პრემიები ჩაიდეს ჯიბეში. ჩვენს ქვეყანა-

ში, სადაც მოსახლეობის 80% თითქმის სიღარიბის ზღვარზეა, ასეთი საქციელი არაადამიანობაა და მეტი არაფერი. რას გააკეთებენ დარჩენილ ორ წელიწადში, გამოჩნდება, თუ რამე სიკეთე არ ქნეს, ქართველი ხალხი მაგათაც „ნაცების“ გზას გაუყენებს.“

გაგრძელება მე-2 გვერდზე

თვითმმართველობებში კონკურსის ჩატარების ვადებმა გადაინია

იხილეთ მე-2 გვერდზე

ქართულ-კოლონური პედიამეგობრობა

იხილეთ მე-3 გვერდზე

კიმეტიონი
qimetiონი.ge

წიგნების მაღაზია

მისამართი: ქუთაისი, „პოპული“;
ტელ.: 790 927 927.

წიგნები უნ გალოდებ!

ქუთაისი, სავაჭრო ცენტრი „პოპული“, წიგნების მაღაზია „კიმეტიონი“, ტელ.: (790) 927 927.

ქუთაისის ზამთრის სეზონისათვის ხარჯების გაზრდას გეგმავს

ქუთაისის სკოლების უმეტესობას, ზამთარში გათბობასთან დაკავშირებით, პრობლემები ექნება, უკეთესი მდგომარეობა სკოლაში დარჩენილ დაწესებულებებში, სადაც პატარების გათბობას სრულად უზრუნველყოფენ, მუსიკალურ სასწავლებლებსა და სპორტულ სკოლებში კი პრობლემა ნაწილობრივ მოგვარებულია — ამის შესახებ ზამთრის სეზონისათვის მზადებასთან დაკავშირებულ შეხვედრაზე განაცხადეს, რომელსაც ქალაქის ვიცე-მერები და სამსახურების ხელმძღვანელები ესწრებოდნენ.

ქალაქის ვიცე-მერის ნოდარ მიქიაშვილის თქმით, დიდთოვლობის შემთხვევისათვის მობილიზებული იქნება საჭირო ტექნიკა: „უახლოეს 45 დღეში ქალაქი მიიღებს ახალ ტექნიკას — მათ შორის ერთ გრეიდერსა და ორ ახალ თოვლმწმენდს. უკიდურესი საჭიროების შემთხვევაში კი, ქალაქი ორ გრეიდერს დაიქირავებს.“

ამ დროისათვის, ზამთართან დაკავშირებით, ბიუჯეტში სპეცტექნიკის მობილიზებისათვის 25 ათასი ლარია გათვალისწინებული, თუმცა ვიცე-მერის მიქიაშვილის მითითებით, საჭირო იქნება ამ თანხის გაზრდა.

საფინანსო სამსახურის უფროსის, ირაკლი ავალიანის განცხადებით, ამ საკითხის გამო, შესაძლოა, ბიუჯეტში ცვლილებები შევიდეს.

ეს იმაზე იქნება დამოკიდებული, თუ რა წინადადებას წარმოადგენენ სამსახურის ხელმძღვანელები, შესაძლოა, ზამთრისათვის დამატებითი ფინანსები სარეზერვო ფონდიდანაც გამოიძებნოს. ამისათვის კი ავალიანის განმარტებით, სარეზერვო ფონდი, რომელიც ახლა 300 ათას ლარს მოიცავს, შეიძლება, 60 ათასი ლარით გაიზარდოს.

ირინა მაკარიძე psnews.ge

მთავარი რედაქტორი: ნატო გუბელაძე

დისკონი: ირმა ბახტაძე-მედილი ოპერატორი და კორექტორი: ლალი კუბრაშვილი

გაზეთი ხელმძღვანელობს თავისუფალი პრესის პრინციპებით. არ გამოხატავს არცერთი პოლიტიკური პარტიის ინტერესებს. ავტორთა მოსაზრება შეიძლება, არ ემთხვეოდეს რედაქციისას.

ნიშნით აღნიშნული სტატია, რომელიც განთავსებულია სარეკლამო ფართზე

გამომცემელი — შპს „P.S.“ („პოსტსოციალიზმი“). ქუთაისის სასამართლოს რეგისტრაცია №5/ბ-1401

გაზეთი „P.S.“-ის კლასიფიკაციის კოდი: UDC (უკ) 3+321 (479.22) (054) 3 - 658 P - 86

მისამართი: ქუთაისი, რუსთაველის გამზირი №37. პრესის სახლი.

• (032) 2 422 470, (0 431) 24-45-46. • psnews27@gmail.com • www.psnews.ge



როგორ აფასებენ ქუთაისში „ქართული ოცნების“ ორწლიან მმართველობას?

პირველი გვერდიდან

მიშა ხვადიაძე, პენსიონერი: „ხალხს იმედი ყველაზე მეტად, ივანიშვილის ხელისუფლებიდან წასვლის შემდეგ გაუცრუვდა, არავინ საუბრობს იმაზე, რომ ივანიშვილი წასვლას აანონსებდა და ხელისუფლებიდან ერთ წელიწადში წავიდოდა. მართალია, არ შეცვლილა მოქალაქეების მდგომარეობა, თუმცა, შეუძლებელია არ დაინახო ის ცვლილება, რაც ხელისუფლების ცვლილებას მოჰყვა, არაა მარტივი სასურველნიშნულამდე მისვლა, ამას დრო და ბევრი მუშაობა სჭირდება. იმედია, რომ მესამე წელი მართლაც კარგი წელი იქნება. რაც არ უნდა მოხდეს, არამგონია, ვინმეს „ნაციონალების“ მმართველობა ენატრებოდეს.“

დავით დვალი, ქუთაისის საკრებულოს თავმჯდომარე: „თუ შეკითხვას ქუთაისის მუნიციპალიტეტის საკრებულოს თავმჯდომარის პრიზმიდან მივუდგებით, ჩვენ ხელისუფლებაში მოსვლა და საქმის კეთება ადგილობრივ დონეზე გაცილებით უფრო გვიან დაიწყო, ვინაიდან 2012 წლის 1-ლი ოქტომბრის შემდეგ, ქუთაისის დონეზე კიდევ ხანგრძლივად იყო სხვადასხვა პოლიტიკური ფსევდოგუნდების მხრიდან დესტაბილიზაციის მცდელობები, რაც შეეხება ქვეყნის მასშტაბით, ამ ორი წლის მანძილზე ბევრი ჩასიკეთო საქმე გახორციელდა, მათი ჩამოთვლა შორს წაგვიყვანს, თუმცა წინადაცვის და დაზღვევის კუთხით გახორციელებული, თამამად ვიტყვი, რეკოლუციური გარდევები, არანაკლებ გამგებანი და გლობალური გეგმები ნამდვილად იმსახურებს ცალკე აღნიშვნას. რაც შეეხება ხარვეზებს, მათი პოვნა, აღმოფხვრა და სრულყოფა სამარცხვინო პროცესი ნამდვილად არ არის და იგი მუდმივად უნდა გაგრძელდეს, თუმცა, ვისურვებდი მეტ ხარისხს, საქმის კეთების თაობაზე მოსახლეობის ინფორმირებულობის თვალსაზრისით, რათა მოსახლეობას აღმშენებლობის განცდის მუხტი ჰქონდეს, რაც მათი ჩართულობის მოწოდების მაღალ ხარისხს განაპირობებს. ამ კუთხით სრულყოფა აუცილებელია, ეს მნიშვნელოვანი კომპონენტია როგორც ქვეყნის შიგნით, ასევე საერთაშორისო ასპარეზზე. უახლოესი ორი წლის მანძილზე მაქსიმუმ უნდა გაკეთდეს იმისა, რაც ოთხი წლის მანძილზე უნდა მოსწრებულყოფი, რათა პირნათელი წარესდეთ ხალხს წინაშე იმ დე-



მოკრატულ „სამსჯავროზე“, რასაც არჩევნები ჰქვია.“

ნინო, პედაგოგი: „ორი წელი არაა მცირე დრო ძირეული და მნიშვნელოვანი ცვლილებების გასატარებლად. ორი წლის წინ, ხალხს სულ სხვა მოლოდინი ჰქონდა. მოლოდინი უკეთესი მომავლის, მოლოდინი დასაქმების და კეთილდღეობის. გვესმის, რომ ხელისუფლების ცვლილებას დრო სჭირდება. ვიცადეთ, ჩავატარებინეთ საპრეზიდენტო და ადგილობრივი თვითმმართველობის არჩევნები, მაგრამ რა შეიცვალა? მხოლოდ საკადრო ცვლილება ხელისუფლებაში და პოლიტიკური ანგარიშსწორება. ორი წელი გავიდა, ორიც მალე გავა და არამგონია, დარჩენილ ვადებში ხელისუფლებამ რაიმე სასარგებლო გააკეთოს, ამიტომ ვფიქრობ, მომავალ არჩევნებზე „ოცნება“ უმრავლესობით ვეღარ მოვა.“

გია გოჭაძე, საკრებულოს ყოფილი „ნაციონალი“ დეპუტატი: „მშვიდობიანად ხელისუფლების გადაბარება, რაც ისტორიული მომენტიცაა, არ იქნა გამოყენებული „ოცნების“ მიერ. პოლიტიკურმა შურისძიებამ ოპონენტებზე შეაჩერა პროცესების სწორად წარმართვა. „ოცნებამ“ ვერ გაიაზრა ან არ გაიაზრა ხელისუფლებაში ყოფნის პასუხისმგებლობა, როდესაც პოლიტიკური შურისძიება ხდება პოლიტიკის მთავარი ქვაკუთხედი. იქ ყველა წარმატება,

თუნდაც მიღწეული აზრს კარგავს. ეს დაპირისპირება გადადის ყველა მოქალაქეზე და გავლენას ახდენს ჩვენს ხვალისდელ დღეზე.“

დაპირებები, რაც „ოცნებამ“ გასცა, იყო რეალობის მოკლებული და გათვლილი ხელისუფლების ხელში ჩაგდებაზე. იქ, სადაც პოლიტიკოსები ჩხუბობენ, ეკონომიკა და ვაჭრობა მკვდარია.“

გიორგი ჭიჭაბერიძე, საქართველოს ახალგაზრდა იურისტთა ასოციაცია: „მე მაინც სასამართლოს კუთხით ვისაუბრებ. დღეს სასამართლო არის იმაზე უკეთესი, ვიდრე — აქამდე. სასჯელსრულების დაწესებულებებში სიტუაცია ადამიანის უფლებების დაცვის თვალსაზრისით არის უფრო გაუმჯობესებული, მაგრამ არ ხდება რიგი საქმეების ეფექტური გამოძიება, სადაც პოლიტიკოსები სავარაუდო კანონდამრღვევებად გვევლინებიან.“

სამსონ გუგავა, საკრებულოს „ლეიბორისტი“ დეპუტატი: „დავიწყეთ იმით, რომ ეს დანაშაულებრივი გუნდი, რაც დღეს ხელისუფლებაშია, ქვეყანას მხოლოდ ბოლო ორი წლის განმავლობაში არ მართავს. ესაა შევარდნაძე-საკაშვილ-ივანიშვილის 21-წლიანი მმართველობა. 1993 წლიდან მოყოლებული ამ ხალხმა ვერ შეძლო ქვეყნის განვითარებამდე მიყვანა. მოსახლეობის უმეტესობა სიღარიბის

ზღვარს ქვემოთაა, პოსტსაბჭოთა სივრცეშიც კი ყველაზე დაბალ დონეზე ვართ. მოლოდინი, რაც მოსახლეობას ჰქონდა, ვერ გამართლდა. ვერ მოხდა სამართლიანობის აღდგენა, ვერ შეძლეს დასაქმება, საარსებო მინიმუმის და პენსიის გაზრდა. ვერ დალაგდა ურთიერთობა ჩრდილოეთ მეზობელთან, რომელიც არის ყველაზე ახლო და ყველაზე დიდი ბაზარი ქართული პროდუქციისთვის, რუსულ ბაზარზე გასვლით ქართველი გლეხის მდგომარეობა შემსუბუქდებოდა. ყველაფერს ხელისუფლების მხრიდან პრემიების დარიგება დაემატა, რამაც მოსახლეობის უკმაყოფილება გამოიწვია.“

გოგი წულაია, პარტია „თავისუფალი საქართველოს“ იმერეთის ორგანიზაცია: „ქართული ოცნების“ ხელისუფლებაში მოსვლის დღიდანვე ჩანდა, რომ ეს ხელისუფლება ვერც ერთ დაპირებას ვერ შეასრულებდა. ორწლიანი მმართველობა მხოლოდ უარყოფითად ფასდება, გაიკითხეთ საზოგადოებაში რა განწყობაა. ხელი-სუფლებამ არაერთი დანაშაული ჩაიდინა, მაგრამ ყველაზე დიდი ტრაგედია, რაც ხელისუფლებამ თავისი ხალხის მიმართ ჩაიდინა, იმედგაცრუებაა. მოსახლეობას ელემენტარული ცვლილებების და სიკეთის იმედი მოუკლა.“

ნესტან ჩაბალიძე

თვითმმართველობებში კონკურსის ჩატარების ვადებმა გადაინია

„საჯარო სამსახურის შესახებ“ საქართველოში მოქმედ კანონში ცვლილებები შედის, რამაც შესაძლოა, ადგილობრივ თვითმმართველობებში კონკურსების ჩატარების ვადებიც გადაწიოს.

საქართველოს იურისტთა ასოციაციის ქუთაისის ორგანიზაციის ხელმძღვანელის, გიორგი ჭიჭაბერიძის განმარტებით: „საქართველოს პარლამენტში ინიცირებულია კანონპროექტი ზემოაღნიშნულ კანონში ცვლილების შეტანის თაობაზე, რაც ითვალისწინებს კონკურსების ჩატარების ვადებულების გადაწვევას არაუგვიანეს 2014 წლის 31 დეკემბრისა.“

მოქმედი კანონის თანახმად კი: ადგილობრივი თვითმმართველობის მონეის იმ თანამდებობაზე, რომელიც

კონკურსის წესით უნდა შეივსოს, კონკურსი ტარდება არაუგვიანეს 2014 წლის 31 ოქტომბრისა.

დღეის მდგომარეობით, ადგილობრივი თვითმმართველობები ვალდებული არიან, ვაკანტურ ადგილებზე კონკურსების ჩატარება და ვაკანტური ადგილების შევსება კონკურსის წესით მიმდინარე წლის ოქტომბრის ბოლომდე უზრუნველყონ. ცვლილებების მიღების შემთხვევაში კი, მათ ამისათვის დამატებით ორი თვე ეძლევათ.“

საქართველოს პარლამენტის მიერ ზემოაღნიშნული კანონპროექტის მიღების შემთხვევაში, შესაძლებელია, კონკურსის ჩატარების ვადებიც გადაიწიოს.

ირინა მაკარიძე psnews.ge



„რთველი – 2014“ შეფარხებების გარეშე მიმდინარეობს

კახეთის რეგიონში რთველი აქტიურ ფაზაშია. საქართველოს სოფლის მეურნეობის მინისტრმა ოთარ დანელიამ რთველის საკოორდინაციო შტაბი ქალაქ გურჯაანში 20 აგვისტოს გახსნა, რომელიც 24-საათიან რეჟიმში მუშაობს და შარშანდელის მსგავსად, ჩაბარებული ყურძენი სპეციალური კომპიუტერული პროგრამის მეშვეობით, ერთიან ელექტრონულ ბაზაში აღირიცხება.

სახელმწიფო სუბსიდირება კვლავ აგრძელებს როგორც თეთრ, ასევე წითელ ყურძენზე. წელს სუბსიდია 1 კილოგრამ რქაწითელსა და კახურ მწვანეზე 35 თეთრს, საფერავზე კი 15 თეთრს შეადგენს.

„წლევანდელი წელი ცოტა უცნაურია — წითელი და თეთრი ყურძენი ერთდროულად იკრიფება. თითქმის ყველა რაიონი ერთდროულად ჩაერთო რთველში. დედოფლისწყაროსთან ერთად, რთველი დაიწყო გურჯაანში, ყვარელში. ბოლო რაიონებია ახმეტა და ბოლოს საგარეჯო. ამ ეტაპზე ისე მიდის რთველის პროცესი, ფაქტობრივად, შეფერხება არ გვექონია,“ — ასე აფასებს კახეთში რთველს ღვინის ეროვნული სააგენტოს თავმჯდომარე ლევან დავითაშვილი.

რთველთან დაკავშირებით მოქმედებს „ცხელი ხაზი“ — 2470101, რომელიც დაინტერესებულ პირებს 24 საათის განმავლობაში ემსახურება. დამატებითი ინფორმაციის, კითხვებისა და კომენტარებისათვის მოსახლეობას შეუძლია, ღვინის ეროვნულ სააგენტოს სპეციალურ ელექტრონულ მისამართზე მიმართოს: rtveli2014@georgianwine.gov.ge. სააგენტოს განახლებულ ვებ-გვერდზე <http://georgianwine.gov.ge/statistic/> ასევე შესაძლებელია ონლაინ-რეჟიმში რთველის სტატისტიკის გაცნობა გეოგრაფიისა და ყურძენის ჯიშების მიხედვით.

მევენახეები ყურძენს ყოველგვარი დაბრკოლების გარეშე აბარებენ. ფასის კლებასთან დაკავშირებულ გავრცელებულ ხმას ღვინის ეროვნულმა სააგენტომ ხელოვნურად მართული უწოდა:

„გავრცელდა ინფორმაცია ყურძენის ფასის კლებასთან დაკავშირებით, რასაც მევენახეების მხრიდან უკმაყოფილება და აქციების გამართვა მოჰყვა. იმ დროს, როდესაც ბუნებრივმა კლიმატურმა პირობებმა ისედაც შეამცირა მოსავალი და მისი ხარისხი, რთველის პროცესის შეფერხება და ჩაშლის მცდელობა საბოტაჟის სახეს იღებს. ეს კი ყველაზე მეტად აზარალებს კახელ მევენახეებს. ჩნდება ეჭვი, რომ ხომ არაა ეს პროცესი ხელოვნურად მართული. წლევანდელი რთველის პერიოდში, ყურძენის ფასი უპრეცედენტოდ მაღალია და ისტორიულ მაქსიმუმს შეადგენს. შარშანდელთან შედარებით, საფერავის ფასი 100%-ით მეტია. ამასთან, სახელმწიფოს ხელშეწყობით, მოსახლეობას დახიანებული ყურძენის ჩაბარების პრობლემა არ ექმნება. ღვინის მწარმოებლები თვითონ იღებენ გადაწყვეტილებას რა ფასად და რა რაოდენობის ყურძენი შეისყიდონ,“ — აღნიშნულია განცხადებაში, რომელიც ღვინის ეროვნულმა სააგენტომ გაავრცელა.

მთავრობის განკარგულებით, ერთ კილოგრამ ყურძენში 1 ლარზე ნაკლებს თუ გადაიხდის ქარხანა, მასზე სუბსიდირების პროგრამა არ გავრცელდება:

„სუბსიდირების მიღების უფლება აქვთ მხოლოდ იმ ღვინის კომპანიებს, რომლებიც: ყურძენის ჩაბარებული ფიზიკური პირებისაგან ერთი კილოგრამი ყურძენის შესყიდვას განახორციელებენ არანაკლებ ერთ ლარად; წარადგენენ მუნიციპალიტეტის მიერ გაცემულ ყურძენის წარმოშობის შესახებ ცნობას; ამ განკარგულებაში აღნიშნული ყურძენის (ჯიშის) მიღებას განახორციელებენ სსიპ „საქართველოს სტანდარტებისა და მეტროლოგიის ეროვნული სააგენტოს“ მიერ დამოწმებული საავტომობილო სასწორებით აღჭურვილ საწარმოში,“ — აღნიშნულია მთავრობის 2014 წლის 7 აგვისტოს განკარგულებაში, რომელსაც ხელს პრემიერ-მინისტრი ირაკლი ღარბაშვილი აწერს.

„როცა საბაზრო ეკონომიკის პირობებში ვცხოვრობთ, მთავრობა ვერც მინიმალურ და ვერც მაქსიმალურ ფასს ვერავის დაუწესებს. ამიტომ, ჩვენ არ ვერგვით ფასის დარეგულირებაში, არ ვახდენთ ზეწოლას. ჩვენ სუბსიდირების პროგრამით მეღვინეების სტიმულირება

გვინდა, მეტი ფასი რომ გადაიხადონ ყურძენში,“ — აცხადებს ლევან დავითაშვილი.

ყურძენის ფასით კმაყოფილია მოსახლეობა. გურჯაანის რაიონის სოფელ ჩუმლაყის მცხოვრები მანანა რთველის ორგანიზებულობაზე ამხვილებს ყურადღებას:

„ყურძენის კრეფა ჩვენთან ახლაც მიმდინარეობს. სიტუაცია ნორმალურია. ფასები, შესაბამისად — კარგი. პრობლემა არ არის ყურძენის ჩაბარება. ნუ, ახლა პატარა რიგები არის ქარხნებთან, მაგრამ მოთმენაა საჭირო. რთველი აბსოლუტურად ყველაფრით ორგანიზებულია. ყურძენი ჩავაბარე, ფული ვერ არ ამიღია — 10 სამუშაო დღეში იქნება. ყურძენის კრეფაზე ცოტა შეფერხება იყო ამინდის გამო. გამოიძარა და რთველი ისევ განახლდა. ისე, უცებ რომ კრეფს ყველა, იმიტომ არის ცოტა შეფერხება, თორემ ჩაბარებასთან დაკავშირებით პრობლემა არაა,“ — ამბობს ის.

კახეთში ამჟამად სხვადასხვა ჯიშის ყურძენს 40 ღვინის ქარხანა იბარებს. რთველის დაწყებიდან დღემდე, ყურძენის მიღება-გადამუშავებაში 65-მა ღვინის მწარმოებელმა კომპანიამ მიიღო მონაწილეობა, სულ რეგისტრირებულია 87 კომპანია.

ღვინის მწარმოებლების საქმიანობის სტიმულირებას ქართული ღვინის ექსპორტის ზრდის ტენდენცია განაპირობებს. ღვინის ეროვნული სააგენტოს მონაცემებით, 2014 წლის 8 თვეში (იანვარ-აგვისტო) მსოფლიოს 38 ქვეყანაში ღვინის ექსპორტმა 36 585 769 (0,75 ლ) ბოთლი შეადგინა, რაც 69%-ით მეტია წინა წლის შესაბამისი პერიოდის ანალოგიურ მაჩვენებელთან შედარებით. ქართული ღვინის საექსპორტო ბაზრების პირველი ხუთეული შემდეგნაირად გამოიყურება: რუსეთი, უკრაინა, ყაზახეთი, პოლონეთი და ბელარუსი, სადაც რუსეთი ლიდერობს 65%-ით ექსპორტის მთლიან მოცულობაში. ღვინის ექსპორტმა რუსეთში 2014 წლის პირველი 8 თვის მონაცემებით 24 049 677 ბოთლი შეადგინა. საექსპორტო ქვეყნების ათეულშია ჩინეთი, ლატვია, ლიტვა, ესტონეთი და აზერბაიჯანი. საანგარიშო პერიოდში, ექსპორტირებულია 118 493 071 აშშ დოლარის (\$) პროდუქტია, რაც 83%-ით აღემატება 2013 წლის შესაბამისი პერიოდის ანალოგიურ მაჩვენებელს. ამასთან, აგვისტოს მდგომარეობით, 13 ქვეყანაში ექსპორტირებულია 7 275 351 (0,5ლ) ბოთლი ბრენდი. წლის განვლილ 8 თვეში, ბრენდის ექსპორტმა თანხაში 25 354 169 აშშ დოლარი შეადგინა, რაც 83%-ით აღემატება გასული წლის შესაბამისი პერიოდის ანალოგიურ მაჩვენებელს. ბრენდის ექსპორტიორ ქვეყნებში კვლავ ლიდერობს უკრაინა, სადაც იანვარ-აგვისტოს მდგომარეობით ექსპორტმა — 3 556 584 ბოთლი შეადგინა, მეორე ადგილს 3 235 656 ბოთლით რუსეთი იკავებს.

ექსპორტის გაზრდილ რაოდენობაზე და სახელმწიფოს მიერ სუბსიდირების პროგრამის სიკეთეებზე ამხვილებს ყურადღებას „კახური ტრადიციული მეღვინეობის“ გენერალური დირექტორი ზურაბ ჩხაიძე:

„სუბსიდირება არის ძალიან სწორი და დროული გადაწყვეტილება. შარშანდელმა ასეთმა მხარდაჭერამ ძალიან კარგი შედეგი გამოიღო. ასეთი დახმარებით შეიქმნა ძალიან დიდი პროდუქტია, რომელიც უკვე გადაიტვირთა. ჩვენ ვანონსებდით, რომ ქვეყნისთვის წარმატებულ ნაბიჯებს მოიტანდა და დღეს როგორც ვიცი, დაახლოებით, 120 მილიონი ლარის პროდუქტია ექსპორტირებული და ეს ქართულ ეკონომიკაზეც აისახება. ასევე უნდა აღინიშნოს, რომ ბანკთან ურთიერთობა ძალიან გავვიმარტივდა.



წვდომა გვაქვს იაფიან სესხზე, რაც მეღვინეობას ძალიან წაადგა.“ მიმდინარე წლის რთველის სეზონზე ყურძენის ხარისხის კონტროლთან ერთად, მკაცრი კონტროლი ქარხნებიდან ჰაჭვის უტილიზაციაზეც გახორციელდება.

საქართველოს პრემიერ-მინისტრის გადაწყვეტილებით, 2014 წლის რთველის ხელშეწყობის პროგრამის ფარგლებში, მოქმედ ღვინის კომპანიებს დავალათ, განახორციელონ მიღებული ჰაჭვის გადაამუშავება ანდა უტილიზაცია.

„მკაცრი კონტროლი გვაქვს დაწესებული თეთრი ყურძენისგან გამოწვეული მასის გამოყენებაზე. ჰაჭვის გაცემა მესამე პირებზე აკრძალულია. ჰაჭვის კონტროლი იმიტომ ხორციელდება, რომ ფალსიფიცირებული ღვინო აიკრძალოს, შემცივრდეს მისი რაოდენობა ბაზარზე. ეს ერთ-ერთი ძირითადი ნოვაციაა, რომელიც ამ რთველის დროს არის გამოყენებული,“ — აცხადებს ღვინის ეროვნული სააგენტოს თავმჯდომარე ლევან დავითაშვილი.

ჰაჭვის უტილიზაციისთან დაკავშირებით მიღებულ მთავრობის ამ გადაწყვეტილებას რეგულაციურ გარღვევად აფასებს „კახური ტრადიციული მეღვინეობის“ დამფუძნებელი ზურაბ ჩხაიძე:

„ამას ძალიან დიდი შედეგი ექნება. იმდენად დიდი, რომ ვერ საზოგადოებას ვერც წარმოუდგენია. ეს არის რეგულაციური გარღვევა. ჰაჭვა ქარხნებიდან გადიოდა და ფალსიფიცირების ხელში ხვდებოდა. 100 ათას კილოგრამ ყურძენზე, დაახლოებით, 13-14 ათასი ტონა ჰაჭვა რჩება, საიდანაც 40-50 მილიონ ლიტრ ფალსიფიცირებულ ღვინოს აკეთებდნენ. ეს ის ღვინოებია, რომლებსაც ღვინის ჩამოსასხმელ ბუტიკებში, რესტორნებში მოიხმარენ და რო-

მელიც კახეთიდან დასავლეთში ხვდებოდა. ამიტომ იყო ასეთი დაბალი ხარისხის ღვინო რესტორნებში. წელს ეს აიკრძალა, რაც საკმაოდ დროული და პრაგმატული ნაბიჯია. აღნიშნული გადაწყვეტილება ბაზარზე აისახება და იანვრიდან ყველა რესტორანს ექნება წვდომა ხარისხიან ღვინოზე. მომავალ წლებში შეიძლება, სუბსიდირებიდანაც გამოვიდეს სახელმწიფო. ამის თქმა ვერ არ შეგვიძლია, მაგრამ ამისკენ მიდის ტენდენცია. კარგია, რომ ასეთი ნაბიჯი გადაიდგა. აქამდეც უნდა მომხდარიყო, მაგრამ სჯობს გვიან, ვიდრე არასდროს.“

ლევან დავითაშვილის თქმით, კახეთში ყურძენის ჩაბარების შედეგად, მოსახლეობაში მიღებულმა შემოსავალმა უკვე 100 მილიონ ლარს გადააჭარბა, რაც შარშანდელ მონაცემებს თითქმის გაუტოლდა, თუმცა რთველი ვერ არ დასრულებულა. რაც დავითაშვილის თქმით, იმას ნიშნავს, რომ შემოსავლების ზრდის ტენდენცია კახეთში გაგრძელდება. როგორც ღვინის ეროვნული სააგენტოს თავმჯდომარე ამბობს, რთველისთვის 18 მილიონია გათვალისწინებული, თუმცა ეს რიცხვი პირობითია და მოსავლის მიხედვით დაკორექტირდება. რთველის დასრულებისას გამოიკვეთება რამდენი ლარია საჭირო ამ პროგრამის გახორციელებისთვის.

ღვინისთვის რთველის საკოორდინაციო ერთი შტაბია კახეთის რეგიონის ქალაქ გურჯაანში. ოქტომბრის პირველ რიცხვებში რაჭაში ხვანჭკარას სეზონზე მეორე შტაბის გახსნა იგეგმება. თუმცა, იქ სუბსიდირების პროგრამა არ გახორციელდება. ღვინის ეროვნული სააგენტო რაჭაში ყურძენის ხარისხის და აღრიცხვიანობის მიზნით ატარებს მონიტორინგს.

ნარსულის დაბრუნება

ადამიანურ ყოფიერებასთან შეუსაბამო საცხოვრებელი პირობები, გუმათის შეზღუდული შესაძლებლობის მქონე ბავშვთა ყოფილი პანსიონატის შენობაში შესასრულებელი დევენილებისთვის, უკვე 2 წელია, ყოველდღიურადაა შენობაში შესვლისთანავე ავტომატურად ჩნდება განცდა — აქ დრო გაჩერდა.

21-ე საუკუნის ადამიანებს აქ კვლავ მე-20 საუკუნე აქვთ. 90-იანი წლებისთვის დამახასიათებელი რიგები, ოღონდ, ამჯერად ყოველდღიურად რიგში დგომა არა სურსათის, არამედ ონკანის და ერთადერთი საპირფარეშოთი სარგებლობისთვის უწევთ.

90-იანი წლების მსგავსად, რიგი იმდენად გრძელი და შემაწუხებელია რომ საპირფარეშოს კარზე შინაგანაწესიც გააქრეს: „აქ დგომა აკრძალულია!“

ყოფილ პანსიონატში ამჟამად 32 დევენილი ოჯახი ცხოვრობს. შენობა ორსართულიანია: ერთი საპირფარეშოთი და 3 პირობითად სველი წერტილით.

ფანჯრების უმრავლესობაზე მინის ფუნქციას ცელოფენები ასრულებს, შესაბამისად, წვიმის დროს ოჯახებში წყალი როგორც ჭერიდან, ასევე ფანჯრებიდანაც შედის.

თუმცა, როგორც ადგილობრივები ამბობენ, პრობლემას წვიმაც და მზეც ერთნაირად ქმნის, რადგანაც მაღალი ტემპერატურა აქ მღრღნელების და მწერების კერებს აჩენს, დეზინფექცია კი ბინებს 22 წლის განმავლობაში არასდროს ჩატარებია.

მანანა კილასონია: „ამას პრობლემებიც აღარ ჰქვია, რა პირობებშიც ჩვენ ვცხოვრობთ, ადამიანი ძალია და ყველაფერს ეგუება, თორემ, წარმოუდგენელიც კია ამ პირობებში როგორ შეიძლება არსებობა, არის ოჯახები და დასახლებები, სადაც რაღაც აქვთ და რაღაც არა, აი, ჩვენ არაფერი გვაქვს, აქ ყველაფერი მწყობრიდან გამოსულია, სასმელ წყალს ისეთ ანტისანიტარულ პირობებში ვიღებთ, რომ სასმელად კი არა, წესით, სარცხადაც უვარგისია.“

ადამიანურ ყოფიერებასთან შეუსაბამო პირობების ერთ-ერთი მთავარი მიზეზი შენობის სარდაფია, რომელიც 22 წელია ჩამდინარე ფეკალური მასებით ივსება.

„აქ სისუფთავეს, ძალიანაც რომ მოინდომო, ვერ დაიკავ, არ არსებობს კანალიზაციის სისტემა და წლებია, ფეკალური მასები პირდაპირ სარდაფში ჩადის, განსაკუთ-



„პ.ს. ფოტო“ (მაა ზალაზბარიძე) ©



„პ.ს. ფოტო“ (მაა ზალაზბარიძე) ©

რებით ზაფხულში ისეთი აუტანელი სუნია, მწერების და მღრღნელების შემოტევის ვეღარ ვუძლებთ და მთელი ზაფხული იმის შიშით, რომ ქვეწარმავლებმა არ დაგვკბინონ, ფანჯრებს ვერ ვაღებთ. ბავშვები ყოველ კვირას იწამლებიან.“

დევენილების გულისწყრომის მიზეზი, როგორც ამბობენ, მთავრობის მხრიდან უყურადღებობაა.

„ტელევიზიით ვნახეთ, რომ დევენილთა და განსახლების მინისტრი სოზარ სუბარი, ხონსა და ქუთაისის 15 კომპაქტურ ჩასახლებას ესტუმრა. გვანტერესებს, რის მიხედვით შეარჩია ბატონმა სუბარმა ეს ჩასახლებები, ჩვენთან გამოჩენულად მძიმე სოცი-

ალური პირობებია და ჩვენი ბედით რატომ არ უნდა დაინტერესებულიყო? საარჩევნოდ დაგვიპირდნენ, რომ გავგასახლებდნენ და ახლა შესაბამისი ქულების რაოდენობას აღარ გვანიჭებენ, ამ შენობას რეაბილიტაცია შეუძლებელია ჩაუტარდეს, საცხოვრებლად შეუსაბამოა, ვითხოვთ გავგასახლონ, ჩვენ პენსიონრებმა ამ სიღუბეში უკვე გავიარეთ ჩვენი, მაგრამ იქნებ ბავშვებს მაინც მისცენ საშუალება, ასეთ არაადამიანურ პირობებში და გარემოში რომ არ გაიზარდონ.“

გია სანთელაძის ინფორმაციით, მიმდინარეობს ნიკეასა და ავტომშენებლის ტერიტორიებზე ახალი

კორპუსების მშენებლობა, იმისთვის, რათა დევენილების შესახლება და მათი საცხოვრებელი ფართებით უზრუნველყოფა მოხდეს.

„ჩვენ თითოეული დევენილი ოჯახის მდგომარეობას დეტალურად ვიკვლევთ, სამინისტრო მათთვის ალტერნატიული ფართების შეთავაზებაზე აქტიურად მუშაობს, ამისთვის უკვე კონკრეტულ უბნებზე ფართებიც არის გამოყოფილი, თუმცა დევენილთა განსახლება არ მოხდება კომპლექსურად და ეს დამოკიდებული იქნება ქულების რაოდენობაზე, რომელიც თითოეულ ოჯახს აქვს მინიჭებული.“

„პ.ს. ფოტო“ (მაა ზალაზბარიძე) ©

„ოცდამეერთე საუკუნეში სახლში ისე გვანვიმს, როგორც გარეთ“

გადაუღებელი წვიმის გამო, ქუთაისში, მუსხელიშვილის №1-ში მდებარე ხუთსართულიანი კორპუსის ბოლო სართულები ჭერიდან ჩამოსულმა წვიმის წყალმა დატბორა.

განსაკუთრებით გაუსაძლისი მდგომარეობა ერთ-ერთ საცხოვრებელ ბინაში შეიქმნა, სადაც მარტოხელა ახალგაზრდა ქალბატონი ორ მცირეწლოვან შვილთან ერთად ცხოვრობს. ნატალია ნუტუბიძეს ოროთახიანი ბინაში ჭერიდან წყალი ყველა ოთახში ჩამოვიდა, რის გამოც ელექტროგადამცემი სადენები დასველდა, რამაც ავარიული მდგომარეობა შექმნა. ახალგაზრდა ქალმა მცირეწლოვანი ბავშვები მეზობელს შეაფარა.

ნატალია ნუტუბიძე: „მოვიდნენ წინასაარჩევნოდ, დაგვიპირდნენ კაპიტალურ გადახურვას, მაგრამ მერე რაღაც „ტოლს“ დაგვავრეს და იმით გადახურეს, რასაც ხედავთ. ამ მასალით დახურვას კი არანაირი აზრი არ აქვს — სახლში ისე წვიმს, როგორც გარეთ. ამასთან ერთად, დასველდა ელექტროგადამცემი კაბელები და ლამის ცეცხლი გაგვიჩნდა. ვართ ასე — წყალში და უშუქობაში. ჩემს თავს არ დავებებ, მაგრამ რა ვუყო ორ მცირეწლოვან ბავშვს? ასე ზამთარში ხომ დავიხრცებით?! ოცდამეერთე საუკუნეში კორპუსში ისე როგორ უნდა გაწვიმდეს, რომ თავი გარეთ გეგონოს?!“

ქუთაისის მერიის კეთილმოწყობის სამსახურში აცხადებენ, რომ რეგიონული განვითარების ფონდიდან დაფინანსებას ელოდებიან, რომლის მიღების შემთხვევაში ზამთრის დადგომამდე რიგ უბნებში კომუნალური პრობლემები მოგვარდება.

„პ.ს. ფოტო“ (მაა ზალაზბარიძე) © psnews.ge



„პ.ს. ფოტო“ (მაა ზალაზბარიძე) ©



„პ.ს. ფოტო“ (მაა ზალაზბარიძე) ©

ახალგაზრდული მოძრაობის ნარმოებადგენლება რთველი მიიღოს მონაწილეობა

ღვინის ეროვნული სააგენტომ ახალგაზრდული მოძრაობის პროექტის გახორციელება ქართული ღვინის პოპულარიზაციის, მევენახეობა-მეღვინეობის დარგის განვითარებაში ახალგაზრდების აქტიური ჩართულობისა და ღვინის მოხმარების კულტურის ამაღლების მიზნით დაიწყო.

აღნიშნული პროექტის ფარგლებში, 28 სექტემბერს სტუდენტებმა გურჯაანში რთველში, მიიღეს მონაწილეობა. თბილისის ივანე ჯავახიშვილის სახელობის სახელმწიფო უნივერსიტეტისა და კავკასიის უნივერსიტეტის 150-მდე სტუდენტმა გურჯაანის რაიონის სოფელ შაშიანში, თამარ დიდმელიშვილის ვენახში 15 ტონამდე რქაწითელის ჯიშის ყურძენი დაკრეს.

ახალგაზრდული მოძრაობის ერთ-ერთი კოორდინატორი ზაზა გრიგალაშვილი, სტუდენტების რთველში წაყვანას მიესალმება და აღნიშნავს, რომ მსგავსი აქტივობები მნიშვნელოვანია მომავალი თაობისა და დარგის განვითარებისათვის.

„ღვინის ეროვნული სააგენტოს ეს ინიციატივა ახლა იდგამს ფეხს. გვინდა, ჩვენ გარშემო შემოვიკრიბოთ ქართული ღვინით დაინტერესებული ადამიანები. შეიძლება, არც იყოს მევენახე, მაგრამ უყვარდეს ქართული ღვინო. ჩვენს მოძრაობაში ჩართულმა ახალგაზრდებმა გვინდა, მოიპოვონ ინფორმაციები, შემოგვთავაზონ ახალი ხედვა და იდეები. მე, პირადად, სკოლაში ვმუშაობდი და ქართული ღვინის პოპულარიზაციისთვის უფროსკლასელები მყავდა ჩართული. ახლა გადაწყვიტეთ, სტუდენტებისკენ გადავიხაროთ. სტუდენტობა მთავარი ძალა იქნება ქართულ მეღვინეობაში. ახალგაზრდებს რთველში ყოფნა შეიძლება ისე მოეწონოს, რომ ბევრმა ვენახის გაშენებაც დაგეგმოს. თუ ადგილობრივი სტუდენტებიც შემოგვიერთდებიან, ისინი, ვინც კახეთიდან არიან და თბილისში სწავლობენ, ძალიან კარგი იქნება,“ — ამბობს ზაზა გრიგალაშვილი.

სტუდენტები საკუთარ ვენახში სიხარულით მიიღეს **თამარ დიდმელიშვილი**, რომელსაც ახალგაზრდები, თავის მხრივ, ყურძნის დაკრეფაში დაეხმარნენ. რთველის მასპინძელმა ყურძნის ტონაჟსა და საკუთარ საქმიანობაზე ისაუბრა:

„ვაზის სიყვარული მამისგან გამომევა. ვცდილობ, ყველანაირი პირობა შევუქმნა ვენახს რაც სჭირდება, მაგრამ ბუნება ყოველთვის ვერ გვახარებს — ხშირად ისე ტყუება ყურძენი. თუმცა, ყველანაირად ვცდილობ, ზარალი ავიცილო თავიდან. შარშან ჰექტარზე მივიღე 12 ტონამდე. წელს 20 ტონა ჩავაბარე და ვვარაუდობ, რომ 15 ტონას კიდევ დავკრეფთ. ასევე მაქვს საგურამოს მეურნეობიდან ჩამოტანილი ნერგები, რომელიც შარშან მაჩუქეს. ეს მეურნეობა ძალიან ძლიერია, უამრავი ძველი ქართული ყურძნის ჯიშის ადორძინა იქ ბატონმა ბიძინა ივანიშვილმა. 1 500 ცალი შარშან ჩაყვარე, წელს კი — 4500. ძირითადად, ყურძენს მარნებს ვაბარებ. 15 ტონის ქვევრები და შენობა მე თვითონაც მაქვს სოფელ შაშიანში და ვაპირებ, ვაწარმოო ღვინო. შემოდგომიდან სანერგეს გაკეთებასაც ვგეგმავ. რაც ჩაფიქრებული მაქვს, ჩემი ქვეყნის ხელისუფლების შემწეობით, იმედია, გავხორციელებ,“ — განაცხადა რთველის მასპინძელმა.

თამარ დიდმელიშვილი სახელმწიფოს მიერ მევენახისთვის გაწეული დახმარების მნიშვნელობაზე გაამახვილა ყურადღება და აღნიშნა, რომ ამგვარმა ღონისძიებებმა კარგი შედეგი გამოიღო, ზოგადად, სოფლის მეურ-

ნეობისთვის:

„წლების წინ, კილოგრამ ყურძენზე (რქაწითელზე) ერთი ლარი საოცნებო ფასი იყო. წელს თავისუფლად გვიხდინან ამ თანხას, მაგრამ ცნობილია, რომ ადამიანი, რაც მეტ ფასში აბარებს, მით მეტი უნდა. ძალიან მაძლობელი ვარ სახელმწიფოსი, რადგან ამ ხნის მანძილზე ძალიან დიდი დახმარება გავვიწვია მევენახეებს — შხამქიმიკატებით დახმარება იყო თუ ფულადი ანაზღაურება სექტყვის პერიოდში, ყველაფერი ძალიან წაგვადგა.“

სტუდენტები რთველში მონაწილეობის მიღებით კმაყოფილები ჩანდნენ და აღნიშნავენ, რომ ასეთი საქმიანობა მათთვის ძალიან სახალისო და საინტერესო იყო:

მზია პავლიაშვილი, კავკასიის უნივერსიტეტის სტუდენტი: „ჩვენი უნივერსიტეტიდან პირველად ვართ რთველში. ძალიან გვიხარია, ვერთობით და ვხმარებით კახელებს ყურძნის დაკრეფაში. ბავშვები აღფრთოვანებულნი და მონდომებული არიან, რომ იშრომონ.“

გიორგი იოსელიანი, თსუ-ს სოციალურ და პოლიტიკურ მეცნიერებათა ფაკულტეტის მესამე კურსის სტუდენტი: „ძალიან საინტერესოა რთველი. ბევრი ასეთი ივენთი უნდა ჩატარდეს ახალგაზრდებისთვის. არა მხოლოდ სტუდენტებისთვის, არამედ სკოლის მოსწავლეებისთვისაც. გასახარია, რომ ბევრი სტუდენტი ჩართო ამ აქტივობაში და იმედს ვიტოვებ, კიდევ უფრო მეტი მოვა. ეს არის პოზიტიური გამოცდილება და ძალიან სასიამოვნო აურაც ტრიალებს.“

ტატო ოქრუაშვილი, თსუ. იურიდიული ფაკულტეტი: „იურიდიული ფაკულტეტის სტუდენტებს რთველის დიდი ინტერესი გვქონდა. მოხალისედ წამოვედით და ჩავერთეთ რთველში. ვფიქრობ, ასეთი სოციალური სამსახური, ჩვენი პროფესიის გარეთ, სხვა უნარ-ჩვევებსაც გავავითარებს. თან დროს შრომაში სასიამოვნოდ და სახალისოდ ვატარებთ.“

რთველის დასრულების შემდეგ, სტუდენტებმა კახეთის რეგიონში მდებარე ღვინის ქარხნები — **„თბილღვინო“**, **„თელიანი ველი“** და **„კახური ტრადიციული მეღვინეობა“ (KTW)** დაათვალიერეს, სადაც ადგილზე გეცნენ ყურძნის ჩაბარებისა და წარმოების პროცესს. ახალგაზრდებმა ასევე ქართული ღვინოებიც დააგემოვნეს.

სტუდენტებისთვის შექმნილი ახალგაზრდული მოძრაობის პროექტის ფარგლებში ახალგაზრდული ჯგუფი არსებობს, სადაც გაერთიანებული არიან საქართველოს უმაღლესი სასწავლებლების სტუდენტები. მათთვის ღვინის ეროვნული სააგენტოს თავმჯდომარე **ლევან დავითაშვილი** ლექცია-სემინარებს და შეხვედრებს მართავს შემდეგ თემებზე: ქართული ღვინის კულტურა და ისტორია, ვაზის ჯიშები, მევენახეობის ზოგადი საფუძვლები, ღვინის დაყენება და მოხმარების კულტურა, ენოლოგია და ქართული ღვინის კულტურის უძველესი საფუძვლები და სხვა. ამასთან, სტუდენტები აქტიურად ჩაერთობიან ვაზის დარგვასა და მოვლაში, რთველის პროცესში, ფესტივალებში, დეგუსტაციებში და გამოფენებში.

მსგავსი ინიციატივა, ღვინის ეროვნული სააგენტოს განცხადებით, უზ-



რუნველყოფს მომავალი თაობების განათლებას და მათი ინიციატივების გააქტიურებას მეღვინეობა-მევენ-

ახეობის დარგის განვითარებაში. წახალისებული იქნება სტუდენტების წარმატებული იდეები და განათლების

ხელშეწყობა უცხოეთის წამყვან უნივერსიტეტებში.

ქვირის პოროსკოპი

ვერძი: არ გაამყვანოთ დაფარული, უმჯობესია, ჯერჯერობით, ყველაფერი ისე დარჩეს როგორც არის.

კურო: ისწავლეთ ადამიანების ნდობა და მეგობრების დაფასება. თუმცა, რა თქმა უნდა, თქვენი გარემოცვიდან ყველა არ არის ღირსი ნდობის, შეარჩიეთ მეგობრები, რომ მომავალში არ იწინაოთ.

ტყუებუნი: დროა გაიხსენოთ, რომ გაქვთ პირობები, რომლისთვისაც დიდი ხანია არ გამოიყვანათ დრო.

კარჩხი: დრო ისეთ ადამიანებთან გაატარეთ, ვისაც უყვარხართ და თქვენი გვერდით დანახვა უნდა. იყავით მათ გვერდით, ვისაც ნამდვილად ესაჭიროება თქვენი თანადგომა და მხარდაჭერა.

ლომი: შესაძლებელია იფიქროთ, რომ ცხოვრება უღიმღამო და მოსაწყენია, მაგრამ ყველაფერი ეს დროებითია და მალე შეიცვლება საპირისპიროდ.

ქალწული: მხოლოდ ზარმაცი თუ იტყვის, რომ ცუდი დროა და არსად არ უნდა წასვლა. ისინი კი ვინც ამ კატეგორიას არ განეკუთვნებიან, ყოველგვარი სიზარმაცის გარეშე გარეთ გავლენ და აქტიურად დაისვენებენ.

სასწორი: კარგი დროა ნებისმიერი ჩანაფიქრის გასახორციელებლად. თამამად იყავით და ყველაფერი გამოიყვანოთ.

მორიელი: ელოდეთ ისეთ სიურპრიზებს, რომლებზეც ოცნებასაც კი ვერ ბედავდით. არ მოერიდოთ ყველაზე თამამ ნაბიჯებსაც კი, ყველაფერი გამოიყვანოთ.

მშვილდოსანი: დროა გადადგათ ნაბიჯები წინ და გადაწყვიტოთ ის პრობლემები, რომლებიც უკვე დიდი ხანია გადასაწყვეტია. ნუ ცდილობთ დროის გაყვანას, თქვენს გასაკეთებელს თქვენს მაგივრად ვერავინ გააკეთებს.

თხის რქა: ხელსაყრელი დროა საქმიანი გეგმების გასახორციელებლად. მარტოხელა თხის რქები ამ კვირაში ცხოვრების სიყვარულს შეხვდებიან. დროის უმნიშვნელოვანესი ნაწილი გართობას დაუთმეთ.

მერწყული: გირჩევთ დაისვენოთ და მაქსიმალურად მოაღუნდეთ, ეს რჩევაცაა და დარჩება. თუნდაც ფიქრობდით, რომ ბევრი საქმე გაქვთ გასაკეთებელი, მაინც უმჯობესია გადადოთ საქმეები, დაისვენოთ და მერე ახალი ძალით შეუდგეთ მუშაობას.

თევზები: საქმეების და პრობლემების ისე დატოვება, როგორც არის არ ღირს. თქვენ სასწრაფოდ უნდა შეცვალოთ რამე თქვენს ცხოვრებაში, თორემ მოწყენილობა და გუფუფუბა, ხოლო ეს კარგი არ არის. ამასთან არ დაგავიწყდეთ, რომ რაიმეს შეცვლის დროს აუცილებელია გონიერების გამოჩენა.

წინა ნომრის კროსვორდის პასუხები

პორიზონტალურად: 3. ყარაბას; 5. ელისო; 6. აცე; 8. ტომ; 9. ამალი; 11. იკებანა. ვერტიკალურად: 1. პრასი; 2. აბი; 3. ყალიონი; 4. სიცილია; 7. ეშვარი; 10. მეი.

კროსვორდის გეგმა პასუხებით. გეგმაში მითითებულია პასუხების ადგილები და სიტყვების მიმართულებები.

შვედეთში მარტოხელა დედებს ხელოვნურ განაყოფიერებას სახელმწიფო დაუფინანსებს

შვედეთში აპირებენ კანონის შემოღებას, რომლის მიხედვითაც ქვეყნის ნებისმიერი და-უოჯახებელი ქალი, რომელსაც დაორსულების პრობლემები აქვს, სახელმწიფოს ხარჯზე გახდება დედა. ქვეყნის მთავრობამ გამოკითხვა ჩაატარა, უნდა უზრუნველყონ თუ არა მარტოხელა ქალების ხელოვნური განაყოფიერება ბიუჯეტის ხარჯებით. გამოკითხულთა უმრავლესობამ ამ შეკითხვას დადებითი პასუხი გასცა.

ჯერჯერობით, შვედეთში ექსტრაკორპორალური განაყოფიერების პროცედურა ბიუჯეტის ხარჯზე ხელმისაწვდომია მხოლოდ გათხოვილი ქალბატონებისთვის. თუ კანონს მიიღებენ, რეპროდუქტიული მედიცინაზე სპეციალიზებული კლინიკების მომსახურებით მარტოხელა უ-

ვილო ქალებიც ისარგებლებენ. ცნობისათვის, შვედეთში ხელოვნური განაყოფიერების მომსახურება, დაახლოებით, 4150 ამერიკული დოლარი ღირს.

საინტერესოა, საქართველოში თუ დაფინანსდება როდისმე ხელოვნური განაყოფიერების პროცედურა, თუნდაც დაოჯახებული ქალებისთვის, რომლებიც დედობაზე ოცნებობენ? ცნობისათვის, ჩვენს ქვეყანაში ხელოვნური განაყოფიერება, დაახლოებით, 3 500 ლარი ჯდება. ამ თანხაში არ შედის ლაბორატორიული გამოკვლევები და მედიკამენტები. ხოლო სუროგატი დედობის შემთხვევაში, შვილის ყოლის მსურველები მას 15 200 აშშ დოლარს უხდიან და 9 თვის განმავლობაში მეთვალყურეობენ.

http://mshoblebi.ge/



როგორ განვათავსოთ განცხადება გაზეთ „შს“-ში („პოსტსერვიზიში“) უფასოდ ქვემოთ მოცემულ კუპონზე განცხადებების მიღება ხდება კერძო პირებიდან დაბეჭდვის თარიღი დამოკიდებულია კუპონის მიწოდების თანმიმდევრობაზე კუპონი უნდა ჩაბარდეს რედაქციაში - ქ. ქუთაისი, რუსთაველის ქუჩა 37; სავაჭრო ცენტრ „ფუდმარტში“ (ყოფილი „პოპული“) - ნიგნების მალაზია „ქიმერიონი“, რუსთაველის 141. არ მიიღება კანონთან შეუსაბამო, შეურაცხყოფილი, უხამსი, ეროტიკული შინაარსის განცხადებები.

მცირე განცხადების კუპონი. ადგილები: ადრინა, ავტო-მოტო, სხვადასხვა, უძრავი ქონება, გაყვანილი, ვიყიდი, გაყვიდი, ვიყიდი, გაყვიდი, სამსახური, ვაჭრობა, ვეძებ, სამუშაოს, სხვა, ცხოველები.

განცხადების შინაარსი. სახელი და გვარი (მხოლოდ რედაქციის ცნობისათვის), კონტაქტი (მობილური ან სტაციონალური), ელექტრონული ფოსტის მისამართი, არ ვარ განცხადების შინაარსთან დაკავშირებული კერძო მენარმე, ვაცხადებ თანხმობას, ფირმის მიერ გამოყენებულ იქნას განცხადებაში აღნიშნული მონაცემები, ხელმოწერა გარკვევით, რედაქციას აქვს უფლება, კუპონზე შევსებული ერთჯერადი განცხადება დაბეჭდოს კუპონის ჩაბარების დღიდან 14 დღის განმავლობაში კუპონი (ერთჯერადი) არის ძალაში მისი გამოქვეყნების დღიდან 3 კვირის განმავლობაში. 6.10.2014


კროსვორდის გეგმა. გეგმაში მითითებულია პასუხების ადგილები და სიტყვების მიმართულებები. პასუხები: თაღვალის ნაგებობა ბროლიში, დიდი ცეცხლი, ჩანჩქერი აშშ-სა და კანადაში, სახალხო კრება მხ. საბურთენოში, ქართული ქალის თავსაბურთე, დეკორატიული ხე მცენარე, კაენის მშა, ხარება და ..., მათობრივი „იმერტულ ესკიზში“, მწერალი ... ნინოშვილი, თერძი ანუ?, დილის საპირისპირო, მე-7 გერმანული ასო, ლოქო, კულტურის მამის სახელი, ევროპა-ზონის გამყოფი კელი, იაპონურად: თაღვალის შეკერა, რუსული სამხედრო თვითმფრინავი, ამ ქალაქს ცხაკია ერქვა, ფეხბურთელ სამორანოს გროვინება, ინდური ცეცხლის დღეობა, ქალაქი პოლანდიაში, მდინარე შეიციარიში, „... შუბო, გეაქვები“ შემოთა%, ამ თანავარსკვლაველშია ვევა, მოკლეს ადგილობრივი ნელსონი, რუსეთის მთავრობის რეზიდენცია, ფრანგული ფილმი „... ტიტა“, პარიზის უძველესი სახელი, მურტალის საფარული, ქუთაისური ლული, ...ლე ქანერიო, ...

შეადგინა ალექს ნოსაძემ

ვინ არის უომოზე? პასუხი ნინა ნოზრის ფოტო-ვიპტორინაზე რეჟისორი რობერტ სტურუა ჩვენმა ერთგულმა მკითხველმა, სულიკო ფუტკარაძემ ამოცნო.

რას დააჩქარებდით? პასუხი ნინა ნოზრის ფოტო-ვიპტორინაზე ბიძინა ივანიშვილი თქვენი დაპირებანი გათანხმებული „ნაცების“ ასალავმავად ღირდა მხოლოდ, აწი, შენ იცი! შაქრო გაბელაშვილი

ქროსვორდი. პორიზონტალურად: 3. ფრანგი ფიზიკოს-მათემატიკოსი ბლეზ... 5. ნორვეგიის ფული ევრომდე; 6. მსახიობი; 8. ... კარენინა; 9. მენახშირე „მაგდანას ლურჯაში“; 11. კავკასიონის უმაღლესი მწვერვალი. ვერტიკალურად: 1. სათამაშოდ ჩადებული ფული; 2. ქვეყანა ... მარინო; 3. ესპანეთის და პორტუგალიის ნახევარკუნძული; 4. უნეტარი ავტობუსი; 7. იოსელიანი, კიტოვანი და ... ; 10. სატელეფონო ტერმინი.



გილოზა



ჩვენს მშვენიერ თანამშრომელს, ჟანა ჯანელიძეს და მის რჩეულს, საქართველოს ღირსეულ ჯარისკაცს — ირაკლი მშველიანს ვულოცავთ ოჯახის შექმნას!

გაზეთ „პ.ს.“-ის რედაქცია

მადლიერება

მადლობა გულსხმიერ ექიმებს!

უკვე მერამდენედ დავრწმუნდი, რომ კლინიკა „კარაპს მედიკალი“ (დირექტორი ფერიდე ხიდაშელი) ერთ-ერთი ყველაზე საუკეთესოა საქართველოში.

ამჯერად განსაკუთრებით მინდა აღვნიშნო „კარაპს მედიკალის“ ზოგადი და მინი ინვაზიური ქირურგიის დეპარტამენტის გულსხმიერი დამოკიდებულება პირადად ჩემს მიმართ, სადაც ნაღველზე სასწრაფო ოპერაციის გაკეთება დამჭირდა.

ასეთი მოულოდნელი სტრესიდან სწორედ ამ პროფესიონალმა მედიკოსებმა გამომიყვანეს, დაწყებული მაღალ დონეზე ჩატარებული ოპერაციით და დამთავრებული ყურადღებამდე და გულისხმიერი დამოკიდებულებით.

სწორედ ამიტომ უღრმესი მადლობა მინდა, ვუთხრა პროფესორ მერაბ კილაძეს, ჩემს მკურნალ ექიმს, არაჩვეულებრივ ქირურგსა და კარგ აღამიანს, ბატონ თენგიზ კეპულაძეს, დეპარტამენტის ქირურგებს, ბატონებს: ოთარ კეპულაძეს, დავით ელგანდაშვილს, თამაზ ჯიქიას; ანესთეზოლოგს, ქალბატონ მარინა კიკოზაშვილს და მთელ მედპერსონალს, ვისაც თავისი პროფესიონალიზმი არ დაუშურებია იმისათვის, რომ ჩემს სიცოცხლეს საფრთხე არ შექმნიდა.

ბატონისცემითა და საუკეთესო სურვილებით, ნატო გუბელაძე

რა განძს მიაკვლიეს სიღნაღში?

სიღნაღის რაიონის სოფელ ზემო ბოდბის მოსახლეობა აღმოჩენის შესწავლას ელოდება

საკანალიზაციო სისტემის დამონტაჟების დროს, ბესო ჩუთლაშვილმა

საკუთარ ეზოში გვირახებს მიაკვლია. 12-დან თითოეული მათგანი შედარებით მცირე ზომის გვირახს უკავშირდება. აღმოჩენილი ადგილობრივი დაინტერესდნენ და გათხრები 10 მეტრამდე სიღრმეზე უკვე აწარმოეს. სამუშაოების

შესრულებისას ადამიანის ძვლებსა და თიხის ჭურჭლის ფრაგმენტებსაც მიაგნეს. ზემო ბოდბეში ვარაუდობენ, რომ ნაპოვნი მასალა გვიან ბრინჯაოს ხანას განეკუთვნება. რაც შეეხება გვირახებს, მოსახლეობა არ გამოირიცხავს, რომ იქ

სასულიერო პირების მიერ გადანახული განძი იმალება.

ადგილზე უკვე იმყოფებოდა სპეციალისტების ჯგუფი, თუმცა, პირველადი დასკვნა ამ დროისთვის უცნობია.

http://tvfree.ge

როგორ ამოვიხსნოთ ნაღვილი თაფლი

თაფლი ერთ-ერთი ყველაზე ძვირფასი საკვები პროდუქტია. მისი მალალი კვებითი ღირებულება და სამკურნალო თვისებები განისაზღვრება არა მარტო ადგილად ასათვისებელი შაქრების დიდი რაოდენობით, არამედ ფიზიოლოგიურად სრულფასოვანი მინერალური ნივთიერებების, ფერმენტების, ვიტამინებისა და ანტიმიკრობული ნივთიერებების შემცველობითაც. ნატურალური თაფლი ძლიერებს ნივთიერებათა ცვლას, ახდენს ბაქტერიოციდულ, ანთების საწინააღმდეგო და მატონიზებელ მოქმედებას, აჩქარებს ქსოვილების აღდგენას, აწესრიგებს საჭმლის მომწოდებელი სისტემის მუშაობას, ასტიმულირებს შინაგანი ორგანოებისა და იმუნური სისტემის მუშაობას.



სამწუხაროდ, ბაზარზე საკმაოდ ხშირად იყიდება ფალსიფიცირებული თაფლი, ამიტომ სასარგებლოა ვიცოდეთ ნამდვილისა და ფალსიფიცირებულის გარჩევა. გთავაზობთ რამდენიმე ხერხს:

გამჭვირვალობა: თაფლს სხვადასხვა ფერი შეიძლება ჰქონდეს (ყვავილოვანი თაფლი ღია ყვითელია, ცაცხვისა — ქარვისფერი, იონჯისა — თითქმის უფერო, წაბლისა — ყავისფერი). მაგრამ ნამდვილი თაფლი აუცილებლად გამჭვირვალეა, თუკი არ დაუწყია ჩაშაქრება (თაფლი ჩაშაქრებას აცივებისთანავე იწყებს, ამიტომ ზამთრის თვეებში ნატურალური თაფლიც გაუმჭვირვალე, დაბურული ხდება); თაფლი, რომელსაც მინარევები აქვს (შაქარი, სახამებელი ან სხვა), მღვრიეა და თუ კარგად დავაკვირდებით, შესაძლოა ნალექიც შევამჩნიოთ.

არომატი: ნამდვილი თაფლი გამოირჩევა მხოლოდ მისთვის დამახასიათებელი არომატით, რომელიც არც მეტისმეტად მძაფრი უნდა იყოს და არც მეტისმეტად სუსტი. შაქრის შემცველ თაფლს არომატი თითქმის არ აქვს, მისი გემო შაქრიანი წყლისას ჰგავს.

გემო: ნატურალური თაფლი არა მარტო ტკბილია, არამედ მისი სიტკბო ოდნავ წვავს ყელს.

სისქე: თაფლი პირში ჩადებისას სწრაფად არ დნება და ერთხანს ინარჩუნებს ფორმას; დაიწყებთ თაფლი ხელის ზურგზე — თუ წვეთმა შეინარჩუნა ფორმა და არ დაიშალა, თაფლი ნატურალურია.

კონსისტენცია: მოსრისეთ თაფლი თითებს შორის. ნატურალური თაფლის კონსისტენცია ნაზია, კანი მას შეიწოვს. ფალსიფიცირებული თაფლი უხეში კონსისტენციისა და კომტებად

რჩება თითებს შორის. ნატურალური თაფლი ჩაშაქრებულზე კი ერთგვაროვანია, განშრევების გარეშე, შაქრის ცალკეული კრისტალები მასში არ იგრძობა.

წყლის შემცველობა: მომწიფებული ნატურალური თაფლი თითქმის არ შეიცავს წყალს, ამიტომ თუ მას ქაღალდზე დაწვეთებთ, იგი არ წარმოქმის სველ ლაქას, ფალსიფიცირებული თაფლი კი ქაღალდს ასველებს. შეგიძლიათ, ასეც გამოსცადოთ: ჩაუშვით თაფლში პურის პატარა ნაჭერი და 10-12 წუთი გააჩერეთ. მერე ამოიღეთ. თუ თაფლი ნატურალურია, პური გამაგრდება, თუ ფალსიფიცირებულია — დაბილდება.

რამდენიმე რჩევა ნატურალური თაფლის გამოსაცნობად:

ამოიღეთ თაფლი კოვზით. თუ იგი ნატურალურია, წარმოქმნის გრძელ (10-12 სმ სიგრძის) „ძაფს“, რომელიც აღიზნის არ გაწყვეტა და თუ კოვზს დაატრიალებთ, ზედ დაეხვევა. როდესაც თაფლის ძაფე გაწყდება, ზედაპირზე წარმოქმნება პატარა ბორცვი, რომელიც ნელ-ნელა გასწორდება.

გახსენით ერთი სუფრის კოვზი თაფლი ერთ ჩაის ჭიქა ცხელ წყალში. ნატურალური თაფლი მთლიანად გაიხსნება და არ წარმოქმნის ნალექს. ხსნარი არ ამღვრება, თუ მას ცოტაოდენ სპირტს დაემატებთ.

ქაღალდის ფურცელს თხელ ფენად წაუსვით თაფლი ისე, რომ კიდები

თავისუფალი დარჩეს. ფურცელს წაუციდეთ ცეცხლი. თუ ცეცხლი ჩაქრა, თაფლი ნატურალურია, თუ მთელი ფურცელი დაიწვა — ფალსიფიცირებული.

თაფლის წვეთს მოაყარეთ ცოტაოდენი სახამებელი — თუ იგი თეთრ ნაფიფქად დარჩა, თაფლი ნატურალურია.

ჩაის სუსტ და თბილ ნაყენს დაუმატეთ ცოტაოდენი თაფლი. თუ იგი ნატურალურია, ჩაი გამუქდება, მაგრამ ნალექი არ წარმოიქმნება.

გაახურეთ ნემსი და ჩაუშვით თაფლში. თუ მასზე წარმოიქმნა წებვადი მასა, თაფლი ფალსიფიცირებულია. ნატურალური თაფლი ნემსი სუფთა დარჩება.

თუ ზამთარში ან გაზაფხულზე თხევად, გამჭვირვალე თაფლს გთავაზობენ, დაფიქრდით, სანამ იყიდით. თხევადი თაფლი ზამთარში იშვიათობაა. ძალიან ცოტა სახეობის თაფლი (აკაციისა, წაბლისა), რომლებშიც მალალია ფრუქტოზის შემცველობა, რჩება თხევადი გაზაფხულამდე. უმეტესად თაფლი ზამთარში ჩაშაქრებას იწყებს და გამჭვირვალეობას კარგავს.

თუ ზამთარში თაფლს შებურთული ფერიც კი არ დაჰკრავს, ის ან ხელოვნურია, ან შაქრის ვაყინით ფუტკრების გამოკვების შედეგად მიღებული. შესაძლოა, თაფლი ნატურალურია, მაგრამ ჩაშაქრდა და გასაღებლად გააცხელეს. სამკურნალო თვისებები ასეთ თაფლს აღარ ექნება.

თაფლის შენახვა და მოხმარება

თაფლი უნდა შეინახოთ ბნელ და გრილ ადგილას მინის ან მომინანქრებულ თაფლანაირულ ჭურჭელში, ვინაიდან იგი ადვილად იღებს უცხო სუნს. ასეთ პირობებში იგი შეიძლება წლობით შევიწხოთ.

შის პირდაპირი სხივები უარყოფითად მოქმედებს თაფლზე. 48 საათით მზეზე გაჩერების შემდეგ მასში იშლება ფერმენტების მნიშვნელოვანი ნაწილი.

არ შეიძლება თაფლის შენახვა ლითონის ჭურჭელში — იგი მასთან რეაქციაში შევა და მომწამლავ მარილებს წარმოქმნის.

პლასტმასის ჭურჭელში თაფლი შეიძლება შევიწხოთ არა უმეტეს ერთი კვირის განმავლობაში.

თაფლის სასარგებლო თვისებები თერმული დამუშავების შემდეგ ისპობა, ამიტომ:

ნუ გაცხელებთ ან მოხარშავთ თაფლს;

ნუ ჩადებთ თაფლს მდლურე წყალში ან ჩაიში. გააგრილეთ ჩაი და მხოლოდ შემდეგ უყავით თაფლი.

თუ ჩაშაქრული თაფლი არ გიყვართ, სასარგებლო თვისებები რომ არ დაკარგოს, ძალიან ფრთხილად უნდა გააღწიოთ: ჩადეთ ჭილა თბილ წყალში და დაელოდეთ. სამწუხაროდ, გოზინაყის მომზადებისას თაფლი სასარგებლო თვისებებს კარგავს.

mkumali.ge

ნიგნების მალაზია კიმერიონი qimerioni.ge
ყოველგვარი ფასნამატის გარეშე შეიძინეთ:
• ქართული თუ უცხოური ლიტერატურა;
• კლასიკოსი და თანამედროვე მწერლების ნაწარმოებები;
• მალაპოლიგრაფიულ დონეზე გამოცემული საბავშვო შემეცნებითი და გასართობი წიგნები;
• სამეცნიერო ხასიათის გამოცემები;
• ენციკლოპედიები;
• ლექსიკონები;
• ჟურნალ-გაზეთები
ნიგნები შენ გეცოდება!
ქუთაისი, საპატრო ცენტრი „ფუნდარტი“ (ყოფილი „პოპული“), ნიგნების მალაზია „კიმერიონი“.
ტელეფონი: 790 927 927; (0 431) 274 474

პრესკონფერენციები, ბრიფინგები, პრეზენტაციები
PSPRESS-კლუბი
ქუთაისი, რუსთაველის 37ა (პრესის სახლი). 599 10 77 94